

KENYATAAN MEDIA



KEMENTERIAN PERDAGANGAN DALAM NEGERI DAN HAL EHWAL PENGGUNA
No. 13 Persiaran Perdana, Presint 2,
62623 Putrajaya
No. Telefon : 03-8882 5562
No. Fax : 03-8882 5569

GERAKAN PENGGUNA SISWA JADI PENGGERAK UTAMA ADVOKASI KEPENGGUNAAN PENGGUNA MUDA

ARAU, 30 Jun 2022 – Yang Berhormat **Dato' Rosol bin Wahid**, Timbalan Menteri Perdagangan Dalam Negeri dan Hal Ehwal Pengguna hari ini telah menyempurnakan Perasmian Majlis Perdana Gerakan Pengguna Siswa (MPGPS) 2022 yang telah diadakan di Universiti Teknologi MARA Cawangan Perlis.

2. Majlis Perdana Gerakan Pengguna Siswa (MPGPS) 2022 yang berlangsung mulai 28 hingga 30 Jun 2022 merupakan satu program tahunan dalam kalendar Kementerian Perdagangan Dalam Negeri dan Hal Ehwal Pengguna (KPDNHEP) bersama Gerakan Pengguna Siswa (GPS) Institut Pengajian Tinggi (IPT) di seluruh negara yang bertindak sebagai platform dalam membincangkan isu-isu kepenggunaan bagi pelajar IPT, membina hubungan baik yang lebih baik di antara pelajar IPT dan KPDNHEP serta memantapkan GPS sebagai sebuah gerakan kepenggunaan yang berkesan dalam melestarikan budaya kepenggunaan yang berdaya-upaya dan sihat, bijak dalam membuat pilihan, sentiasa memperkasa hak pengguna dan berani bertindak meningkatkan kepentingan pengguna.

3. Untuk makluman, seramai **182 peserta GPS** daripada **84 IPT** di seluruh negara telah berkampung di Universiti Teknologi MARA Perlis bagi menjayakan pelbagai aktiviti kepenggunaan yang telah diatur seperti sesi

dialog bersama YB Timbalan Menteri KPDNHEP, penglibatan dalam aktiviti Cabaran Interaktif Pengguna GPS, mengikuti aktiviti pemantauan dan penguatkuasaan di lapangan bersama Penguat Kuasa KPDNHEP, mengikuti sesi *pocket talk* serta mengadakan pameran yang dapat memberi pendedahan yang bermanfaat berkaitan ilmu kepenggunaan kepada peserta MPGPS.

4. Pihak Kementerian komited menyokong usaha proaktif yang dilaksanakan oleh Gerakan Pengguna Siswa di IPT seluruh negara dalam menyebarkan ilmu kepenggunaan serta meningkatkan kesedaran hak pengguna di kalangan pengguna muda. Sehingga kini, jumlah keseluruhan GPS yang berdaftar dengan KPDNHEP adalah sebanyak **177 buah GPS**. Daripada jumlah ini, seramai **8,748 pelajar** telah menjadi ahli persatuan GPS.

5. Kementerian percaya peranan yang dimainkan oleh ahli GPS amat signifikan yang menjadi duta kecil bagi KPDNHEP serta berperanan sebagai mata dan telinga Kerajaan dalam menyemarakkan dan menyebarkan program advokasi kepenggunaan di kalangan pengguna muda.

6. Besarlah harapan Kementerian agar aktiviti-aktiviti kepenggunaan melalui platform GPS di IPT ini dapat diperluaskan dan ia mampu membentuk satu asas budaya kepenggunaan yang holistik dan konsisten di kalangan golongan pelajar yang merupakan kumpulan pengguna generasi baru (*new consumer group*).

YB Dato' Rosol bin Wahid

Timbalan Menteri Perdagangan Dalam Negeri dan Hal Ehwal Pengguna

30 Jun 2022

#End#

LATAR BELAKANG

Kementerian Perdagangan Dalam Negeri dan Hal Ehwal Pengguna (KPDNHEP) telah ditubuhkan pada 27 Oktober 1990. Matlamat penubuhan Kementerian adalah untuk menggalakkan pembangunan perdagangan dalam negeri yang berdaya maju, berdaya saing, dan berdaya mampan, khususnya di dalam sektor perdagangan pengedaran.

Sektor perdagangan pengedaran adalah antara penyumbang utama KDNK negara dan ia bertindak sebagai benteng kestabilan ekonomi, terutama semasa situasi ekonomi luaran berada di dalam keadaan ketidaktentuan. Perdagangan pengedaran perlu kukuh bagi menampan sebarang ketidakstabilan dalam ekonomi negara.

Dalam masa yang sama, Kementerian juga komited dalam melindungi kepentingan dan hak-hak pengguna. Ini termasuk membangunkan ekosistem pengguna dan peniaga yang bersifat melengkapi dan ke arah *self-regulated*, seiring dengan aspirasi ke arah masyarakat negara maju. Ia diharapkan akan melahirkan pengguna dan peniaga yang matang dan beretika dalam mengurusniaga, dan hasilnya adalah negara yang seimbang dari segi ekonomi dan sosial.

Agensi di bawah KPDNHEP:

